

## **Hospital ta prepara y solidario tanto pa local como cu islanan ruman den reino**

### *Ta escala y ta brinda cuidado di emergencia y oncologico so*

Actualmente Hospital a escala y ta atendiendo casonan di emergencia solamente. E motibo principal ta cu den nos region tin un aumento drastico di casonan di Covid y a pidi Hospital asistencia. Como pais solidario a dicidi di asisti cu e cuidado aki na nos paisnan bisña y lo escala e capacidad di Covid na Hospital pa asina por brinda e servicio aki.

Mirando e limitacion, operacionnan planea y dagopname cu NO ta di emergencia temporalmente ta ser cancela pues no lo tin operacionnan electivo temporalmente. Lo tin 1 camber di operacion habri pa casonan di emergencia y pa pashentnan oncologico. Si bo tin afspraak pa un operacion esaki lo wordo posponi. Hospital of e specialista lo tuma contacto cu bo.

Hospital ta haciendo maximo esfuerzo pa sigui brinda e servicionan di policlinica, testnan diagnostico etc. Si bo ta un pashent Covid-19 positivo ta pidi pa NO acudi bo cita sino cancela esaki via telefon y pidi un cita nobo. Corda cu na Hospital tin hende malo y cu sistema immuno abou y por contagia nan, pues ban cuida nos pashentnan, bishitante y personal. Si ta emergencia porfavor menciona cu bo ta Covid-19 positivo.

Nos ta spera cu pronto lo tin estabilidad y un reduccion di casonan positivo di Covid.

Gradicimento ta bay na tur personal na Hospital pa nan dedicacion y sosten continuo cu e retonan ta trece cu ne. Tambe nos ta urgi tur hende mantene nan mes na regla nan stipula pa Hospital y alabes bisti bo mask cual ta obligatorio. Hospital kier recorda tur hende si pa sigui cuida, mantene distancia social y keda bisti bo tapaboca pa hunto nos por combati'e!

**-FIN-**